

# Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinnejnarnera pillugu Inatsisartut inatsisaat (Atuuffissaasa annikillisinnejnarnerat)

## § 1

Pigisanit pissarsiat ilaasa akileraaruserneqartarnerat pillugu Inatsisartut inatsisaanni nr. 37, 23. november 2017-imeersumi, Inatsisartut inatsisaanni nr. 25, 28. november 2018-imeersumi allanngortinnejnarnera, makku allanngorneqarput:

**1. § 1, imm. 1, imatut oqaasertalerneqarpoq:**

” Soraarnerussutisiaqarsinnaatitaasut aningaasarsianit akileraarutit pillugit Inatsisartut inatsisaanni (ningaasarsianit akileraarutit pillugit inatsimmi) § 1, imm. 1, nr. 1 imaluunniit 2, imaluunniit imm. 2 naapertorlugu akileraartussaatitaasut, aammalut marloqiusamik akileraartannginnissamik isumaqtigiisummi aalajangersakkat naapertorlugit naalagaaffimmik takornartami, Danmarkimi imaluunniit Savalimmiuni angerlarsimaffeqartutut isigineqanngitsut, inuunerut sillimmasiissutinit aamma soraarnerussutisiaqarnissamut aaqqissuussinernit, aningaasarsianit akileraarutit pillugit inatsimmi § 39 a, imm. 1-imi 2-milu imaluunniit § 39 c, imm. 1-imi aamma imm. 2-mi piumasaqaatinik naammassinnittunit, kiisalu soraarnerussutisionut aaqqissuussinerit soraarnerussutisionut aningasaateqarfimmi Danmarkimi angerlarsimaffeqartumi pilersinneqarsimappata, soraarnerussutisionik akileraarusiisarneq pillugu danskit inatsisaanni § 53 A-mi pineqartunut ilaasuni pissarsianit akileraarutinik, Inatsisartut inatsisaat manna malillugu akiliissapput.”

**2. § 7 atorunnaarsinnejnarpoq.**

**3. § 8 imatut oqaasertalerneqarpoq:**

” **§ 8.** Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, aningaasarsianit akileraarutit pillugit Inatsisartut inatsisaanni § 39 a, imm. 1-imi aamma 2-mi, § 39 c, imm. 1-imi aamma 2-mi, imaluunniit danskit soraarnerussutisionut akileraarusiisarnerut inatsisaanni § 53 A-mi, piumasaqaatinik naammassinnittut, akileraartarnerut ingerlatsivimmut makku pillugit paassisutissanik nalunaaruteqartarnissaannik Naalakkersuisut isumaqtigiissuteqarfingisinaavaat:

1) kontumik piginnittut ataasiakkat aqqi, najugaat aamma CPR normui,

- 2) ukiup aallartinnerani naaneranilu uninngasuutit, aamma
- 3) ukiumi iluanaarutit, takuuk § 3.

*Imm. 2. Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, soraarnerussutisiaqarsinnaatitaasut sinnerligit akileraarutinik naatsorsuineq, unerartitsineq aamma akiliineq, takukkit § 2, imm. 1 aamma 2, § 3, § 6 aamma aningaasarsianit akileraarutit pillugit inatsimmi § 46, imm. 1-2 aamma § 46 a, pillugit imm. 1-imi pineqartunut ilaasut Naalakkersuisut isumaqatigiissuteqarfingisinnavaat.*

*Imm. 3. Paassisutissanik tunniussisarneq aamma akileraarutinik unerartitsisarneq akiliisarnerlu il.il. imm. 1-imi aamma 2-mi taaneqartut pillugit maleruagassanik erseqqinnerusunik Naalakkersuisut aalajangersaasinnaapput.”*

## § 2

Inatsisartut inatsisaat ulloq 1. januar 2021 atuutilerpoq aammalu ukioq isertitaqarfiusoq 2021 aallarnerfigalugu atuulluni.

*Namminersorlutik Oqartussat, ulloq 19. november 2020*

Kim Kielsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

